

INUIT ATAQATIGIIT

Inatsisartuni



9. juli 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisunut uppersarsinnaanerpaat Kangaatsiap atuarfittaasaanut taamaallaat 13,7 mio.kr.-nik aningaasaliisoqarsimasoq?**
 - A. Ilumoorsimassappat sumik peqquteqarpa taamaallaat 13.7 mio.kr.-nik aningaasaliisoqarsimaneranut?**
 - B. Ilumoorsimappat taava qaqugu sinneri 45,3 mio.kr. aningaasaliissutigineqassappat?**
 - C. Naalakkersuisut naatsersuutigaat Kangaatsiap nutaamik 59 mio.kr nalinganut atuarfittaartinneqarnissaat?**

(Inatsisartuni ilaasortaq Peter Olsen, Inuit Ataqatigiit)

Tunggavilersuut:

Aningaasanut inatsisissamut 2018-moortussamut, Naalakkersuisoqatigiit kingulliit Siumut Inuit Ataqatigit aamma Partii Naleraq isumaqatigiinniarnermi isumaqatigiissutaasa ilagaat Kangaatsiami nutaamik atuarfiliornissaq 59 mio.kr.-nut naleqartussa. Paasisat nutaat tunggavigalugit taamaallaat 13,7 mio.kr aningaasaliissutigineqarsimapput. Klasse værelsinut sisamanut naammattumik nutarterinissamut taamaallaat immikkoortitsisoqarsimalluni.

15 november 2017 Naalakkersuisoqatigiit finanslov 2018 pillugu Siumut, Inuit Ataqatigiit, Partii Naleraq-lu isumaqatigiissuteqarput aamma 19 november 2017 Finanslov 2018-p pingajussaanernerani Aningaasaqarnmut Akilerartarnermullu Naalakkersuisup saqqummiussissutaani saqqummiussineq tunggavigalugu Kommune Qeqertaliup missingersuutiminni ukiunut pingasunut 59 mio.kr ilanngutereersimavaat, aningaasarpassuupput Kommune Qeqertaliup aningaasaqarneranut pingaaruteqartupilorujussuullutik.

Kommune Qeqertallip meeqqat atuartitaanerani qaffassaarusunnerannut minnerunngitsumillu Kangaatsiarmiunut tamanna pingaaruteqarluinnartuuvooq, nalunngisatsitummi massakkut atuarfik aserfallassimaqaaq isumannaallisaanerlu eqqarsaatigalugu illersorneqarsinnaangilluinnartumik atugaqartitsisoqarpoq, nutaamillu atuarfittaarnissaq qila-naarineqaaq aamma tamanna Naalakkersuisunik Inatsisartunillu neriorsuutigineqareernikummat.

Qinnutigissavara apeqquqeqaatima ullut suliffiusut qulit iluanni akineqarumaartut.